

Коми Республикаса том войтырлөн газет



Й **М** **О** **Л** **О** **Т** **А**

2014
Вӧльгым
7-ӧд
лун

44№
(1169)



**Ичӧтик паськӧм -
ыдӧжыд удӧж**

14-15 л.б.

Тайо НОМЕРЫН

Октябрь 24 лунö Семьялы да йöзлы отсöг сетан юркарса шöринын мунис караоке сьылöмын конкурс. Мичаа сьылöмын ассыныс выннысö видлисны квайт семья, на пиысь öти петкöдчас финалын, кодöс лоö сибма Мам лунлы.

4
л.б.

Коми литература радейтись-яслы козинöн лоö «Йöлöга» газет подулын «Ы» петаслön 4-öd номер. Лыддысьöй, нимкодьясьöй, шензöй!

5-12
л.б.

Мейл-арт - тайо пошта тема серти искусство. Татчö пырöны и маркаясысь тэчöм серпасьяс, и мичаа да аслыспöлöса дасьтöм письмö да открытка, кодöс позьö ыстыны пошта пыр.

13
л.б.

Йöлöгалön» тайо петасын тöдмасым енбиа, авья да киподтуя ныв Влада Платтокод. Владалön эм аслыспöлöс хобби - сийö вурö понгьяслы паськöм.

14-15
л.б.



Войвыв кытшса ворсöмъяс - Воркутаын



Октябрь 26 лунö Воркута карын кыпыда воссис Россияса войвылын олысьяслön «Заполярные игры» дас квайтöд спартакиада.

Таво Воркутаö воисны кызь вит карысь сюрс сайö спортсмен. Вежон чöж найö ордысисны дас öти спорт сикасын.

На лыдын бокс, греко-римскöй вермасьöм, нывбабаяс да мужичöй-яс костын баскетбол да волейбол, хоккей, мини-футбол, лыжиön котралöм, художественнöй гимнастика да гира лэпталöм.

Ноябрь 3 лунö мунис көр видзысь лунлы сиём гаж, көни медся тэрыб көр видзысьяс ордысисны дадов вылын. Гаж дырйи тшöтш паськöдчлис тövся техникалön парад да кыпыда мунис коми национальнöй костюмлön конкурс.

Миян корр.

Челядь öтуввезйын

Юркарса «Югөр» культура шöринын восис «Челядь öтуввезйын» ыджыд да мича выставка, кодöс öттшöтш дасьтисны МТС компания да С.Я.Маршак нима челядьлы библиотека.

Экспозиция висьталö, кызди öтуввез вермас отсавны челядьлы велöдчöмын да вьлитор тöдмалöмын, а сідзжö гөгөрвоödö, кызди вичысьны интернетса лёкысь.

Тайо выставка отсалö посниуловлы кокниа пырöдчыны öтуввезйö сöмын колана юөрла. Ныв-зонгьяслön артмö web-олöм йылысь паськыд видзöдлас, оз кольны бокö и сылön лекторьяс. Выставкаыс зэв аслыспöлöс. Экспонатьяс позьö вөрöдны киön, ворсны да сетны вöля творчестволы: дасьтыны ассьыд аватар, вермасьны компьютерын олысь вирусьяскöд да уна мукöдтор.

Уна вьлитор тöдмаласны и быдмысь войтыр, и мам-бать да велöдысьяс. Налы донгьялöм вылö петкöдлöма челядьöс сідз шусяна лёк контентысь видзчысяна технологияяс да быдсикас web-ресурс.

Выставка лоö осьса ноябрь 25 лунöдз, воыны позьö быд лун 11:00-сянь 18:00 часöдз, сöмын четвергö: 11:00-сянь 20:00 часöдз.



ТӨД ВYЛӨ

Медым арся ва вылын эз су неминуча - колө кужны асьтө видзны. Кутöй төд вылын МЧС-лөн сайтысь босьтөм вöзйөмторъяс...

Видз асьтө вöсньыд йи вылын!

Медводдза йи оз шогмы ислалөм да сы вывтi вельөм вылө. Татшөм йи зэв вöсньыд, слаб да оз вермы кутны сьöккыд мортöс кöдзыдъяс вотöдз. Крепыд йи - тайö кельыдтурунвиж рöма дас сантиметр кызта пласт.

Йи кузя вуджны позьö сөмын та вылө лөсьöдөм туйястi, код вылын эм пасьяс да туй индысь бедьяс. Но и татшөм туйястi колө ветлыны видзчысьмөн. Юлөн визувинъясын, бадьяс да пуяс дорын, сiдзжө ключ ва петанiнын йи вермас лоны вöсни. Бытьөн кө колө вуджны татшөм туйöд - төд, мый мөд мортысь колө торъявны 5-6 метра ылаө да мунны сьöрсөн-бöрсөн.

Суис кө неминуча, ваö усьөм морт дорö колө матыстчыны водсөн, ки-кок паськыда чургöдөмөн,

шыбитны мортлы көв, шарп либö тасма.

Усин кө ва пиö, а отсөг виччысьны некысянь - эн повзьи: лолав ньöжйö, киястö паськөд бокö да видды пысасын йи дорö. Та бöрын морöснад вод йи пласт вылө, да катöд öта-мөд бöрся

кыкнан коктö. Ваысь петөм бöрын кыссьы кынөм вылад береглань.

Асьтö йи вылын бураа видзөм отсалас тэныд видзчысьны неминучаө веськалөмысь. А отсавны неминучаө веськалөмалы - быд мортлөн сiдз шусяна долг.



Дона лыдгысьысь!

Тэ öнөдз на эн гижöдчы «Йöлөгэ» вылө? Сöмын ёртыдлысь босьтлан либö библиотекаын öдйö видзöдалан лист бокъяссö? Абу öмöй окота, медым гортöдзыд воис газетыд?

Позьö нин (да и колö!) гижöдчыны «Йöлөгэ» газет вылө локтан 2015 во джын кежлө.

Пошта пыр гижöдчан доныс колис важ кодыс: **296 шайт 88 ур.**

Индекс: **52099.**



Октябрь 24 лунö Семьялы да йöзлы отсöг сетан юркара шöринын мунис караоке сьылöмын конкурс. Мичаа сьылöмын ассьыныс выннысö видлисны квайт семья, на пиысь öти петкöдчас финалын, кодöс лоö сиöма Мам лунлы.



СЫЛАМ ÖТВЫЛЫСЬ

Чолöмалана кывъясөн турнир восьтис Семьялы да челядылы социальной отсöг сетан юркара шöринөн веськöдлысь Галина Цуман, кодi сиис ордысьысыясылы повтöмлун да кыпыд ру.

Медводдза тшупöд дырйи жури да видзöдысяс матиджык тöдмасисны сьылысь семьяскöд. Конкурсо пырöдчысыяс висталсны асланыс традиция, прöст кад коллялом да быдсикас вермом йылысь.

Медшöр тшупöдөн, дерт жö, лои медмичаа сьылöмын ордысьöм. Быд семья водзын сулалис мог - сьывны куим сьыланкыв.

Петкöдчыны медводзөн уси шуд Лодыгинъяслы. «Антошка» нималана сьыланкыв восьтис турнир. Мöдөн лои «Ой, мороз, мороз!», кодöс семья сьылыс шоныда пасьгасöмөн: кепысь да гöна шапка отсалис петкöдлыны сьыланкывлысь русö. Медбörьяөн лои «Звезда по имени Солнце» - танi и зал эз коль бокö да тшöтш босьтчис сьывны.

Кузивановъяслөн петкöдчöм дырйи юргисны «Остров невезения», «Смутлянка» да «Песенка Крокодила Гены» сьыланкывъяс. Бөрьясö Кузиванов гозья сиисны дона нылыслы, кодi регыдья кадö пасйö ассьыс чужан лун.



Чадринъяс котыр дасьтöмаöсь «Брадобрей», «Ты да я, да мы с тобой», а сiдзжö «Алеша» сьыланкывъяс. Бөрьясö семья сиис Айму вöсна Ыджыд тышын усьöм садатъяслы.

Водзö сцена вывсянь сьöрсьөнбöрсьөн юргисны «Крылатые качели» да «Веселый ветер» сьыланкывъяс. Тайö вöли Осиповъяслөн семья. Сьöлом вöрзöданаөн артмис налөн коймöд - радейтчöм йылысь - «Шопен» сьыланкыв.

Воис кад петны сцена вылö и Изотоевъяслы, тайö котырлөн ёртъясыс тшöтш дасьтысьöмаöсь конкурс кежлö: на кыин вöлины ышöдана плакатъяс. Дерт жö, тайö ёнджыка на ыззьöдiс петкöдчысыясöс мичаа сьывны «Песенка мамонтёнка», «Во поле береза стояла» да «Младший лейтенант» сьыланкывъяс.

Сигöртiс тайö ордысыяна тшупöдсö Шашев семьялөн петкöдчöм. Уна рöма парик пасьгалöмөн найö петкöдiсны доньялом вылö «Барбарики» сьыланкыв, кодi ёна гажöдiс видзöдысыясöс. Мöд кык сьыланкывйөн лоины «Мы желаем счастья Вам!» да патриотической «Катюша».

Доньялысыяслөн председатель Владимир Юрковский юксис видзöдысыяскöд ордысьысыяс йылысь кыпыд сьöломкылöмөн да тöдчöдiс, мый тайö конкурссö повтöг позьö нимтыны ыджыд гажөн. Тайö кывъяс бöрын сiйö йöзöдiс вермысьылысь ним - тайö лои Чадинъяслөн семья. Найö кутасны водзö дасьтысьны финал кежлö, кодi лоö ноябрь помын.

Миян корр.





4 №

ноябрь 7 лун

2014 во



Ы шыпас пытшкө серпасалі ю. А дорөсөдыс серна- пасийи берөгсө, мунымөс. Сійө тшөтш уна пөдөс, быдсяма мича сера.

Юыс век вежсьө. Эм шусьөг: оз позь пө кыкысь пырны өти и сійө жө юө. Видзөдлыны кө газетыс- лысь нырвизьсө, юыс быгтьө сэтшөм жө, и нимыс өти, а кывбурьяс, висьтьяс век выльөсь. Шыпас помас чукыль-мукыльясыс - аслыспөлөс пасьяс: юыс пансьө шорсянь, визувтө да усьө саридзө. Гөгрөс пасьясыс видзөны юсө, сетөны сылы вын, найө быгтьө бабьясөн кыөм гөгрөс джодждөраяс, и кор воськовтам на вывті, вуджам кытшсө - миян ловным весассьө став лөксыс. И тайө «Ы» газе- тас йөзөдчөмыс тшөтш весалө ловтө, кыпөдө.

Ы шыпас рисуйтөмыс меным сетіс мөвп водзө сөвмөдны ассьым серпасалан уджөс.

Шыпасыс вайө миянлы оз сөмын шы, а сы пыр воссьө дзонь енкөла.

Вот татшөм шензьөдана тайө Ы-ыс.

Юрий ЛИСОВСКИЙ



ГИЖЫСЬЛӨН КЫВ

Нина Обрезковалөн кывбуръясыс кыскöны наö гзёбём сьёлём гойнас, олём йылысь мөвпалём-нас, енъюгыд вöсна майшасьёмнас. Быд лыдгысьысь вермё гумовтны наысь кутшёмкө вочакывъяс. Но став олёмтö кывбуръясаг он вермы петкöдлыны. И тайö номерас ми асьным сетам поэтлы юалёмъяс, мед восьтыны збыль олёмсьыс ичотик юкөн.



- Кокни либö сьökыд аддзыны мортлы шуд? Мыйын Тiянылы шудыс?

- Юалi ассым: шуда-ö ме? И аслым вочавидзи: шуда! Юрвевт эм, ог тшыгъялöй, ноксям сийөн, мый кажитчö, челядь быдмисны да быдмöны на, верöс радейтö, ме сийöс тшöтш... Мам тай эз ло, да сьökыд-джык лов вылын. Кыдзи аддзыны шуд? Ме ог тöд...

- Кутшём небöгөн Тi он вермöй пöтны?

- Татшём небöгыс уна... Бруно Ясенски, Кундера, Кушмановлөн кывбуръяс, Платоновлөн «Джан», Андрей Поповлөн «О любви и смерти» небöг. Небöгсьыс медводз корся мебн тöдлытём на мөвпгъяс - сзки юрид и лолыд заводитö уджавны... А аддза кö мөвп, кодi меным тöдса, ыджыд кыпыдлун чужö...

- А мыйысь Тi медся ёна поланныд?

- Мыйысь ме пола? Вöчны кодлыкö дой. Челядьлөн висьöмысь, кор ме нинöмөн ог вермы отсавны... Öнi ёна кутi повны войнаысь, ог ас понда майшась - мыйкöдыра олёма нин, а вот челядь вöсна сьёлём потö...

- Кутшём туйöд (ордымöд) Тi радейтанныд ветлыны?


- Радейта ветлыны ветлывтём на туйясöд... Радейта ветлыны тöдса туйясöд...

xxx

Рытъя кыаён енэжыс пөртмасьö...
Тайö каднас эн тэрмась тэ шойччыны.
Аддзан, ю шöрын дзодзöгыс вöтасьö,
Берег пöлöныс бадь пуыс очсалö.

Сöстöм ёль бокын йöра ваасьö,
Кылö шпорöдчöм вöрса пöткэлöн.
Лöня-лöня зэв мазі маасьö,
Бөръя войтъяссö дзоридзысь öкталö.


Кыдз пу коръясöн тöлыс лолыштіс,
Турун сі вылын лысва доршасьö...
Ставыс ланьтöны, но тэ олышт на,
Кывзышт вөр-валысь лöньöм лов шысö.



Малямyш

*Серпасаліс Светлана Сажина,
Ю.А.Спиригонов нима «Коми Республикаса Юралысь бердын искусство гимназияын 6 «в» классын велöгчысь.*

2



Пу кор

*Серпасаліс Фёдор Анчиков,
Ю.А.Спиригонов нима «Коми Республикаса Юралысь бердын искусство гимназияын 6 «в» классын велöгчысь.*

xxx

Ыджыд пуыдлысь ичöтик чаль
позьö чегны, и некод оз тöдлы.
Сöмын, тöданныд, меным зэв жаль:
оз сет олöмсö чаллыс выль рöдлы.

Ыджыд мирыслысь ичöтик кыв
позьö вины, и некод оз аддзыв...
Сöмын мирыслöн öтувъя мыв*
лоö розя, и тыртöммас надзöн.

Меным öткодзьöсь: кыв кöть, кöть чаль,
найö видзöны енъюгыд мусö.
Тшöтш и тиянлы лоö, дерт, жаль,
друг кö олöмыс му вылас кусö.

Мыв* - мывкыд.

МӨВПСЯМ

Шензъы, радлы, нимкодясь!


Дона лыддысьысь, чолөм! Со и усис медводдза лым. Гашкө, сійö тэныд виччысьтөм?! Ме тай сьёлөмнам эг на вөв дась синмасьны ськөд-а. Но мый сэсья вөчан?.. Кадыслөн аслас төжд-могыяс.

Лымсö таво паныдалі музыкаөн, кывзі Жанна Бичевскаялысь «Родник» сьыланкыв. И төдан, енэжыс воссис, и мусö нбжйөнник вевтис вöсни еджыд чышгьян. Думöй вайöдіс менö вичко дорö. Кылан, кутшөм лөнь? Татшөм здукьясас век кодкө йылысь мөвпыштлан. Та йылысь чөв ола... Но вичкоыс казтыштис меным Россияысь төдчана художник Сергей Андриякалысь серпасьяссö. «Мастер и ученик. Школа акварели Сергея Андрияки» выставкаөн төдмасы тавося сентябр төлысьын Сыктывкарса национальной галереяын. Мый менö шензьöдіс? Ставыс. Быд серпасын - олөм. Казялі, мый Сергей Андрияка тшöкыда рисуйтö вичко, ва, дзоридзьяс. Ставыс тайö - пасьяс. Ме юаси экскурсовод Людмила Кочерганлысь, мыйла сьлөн та мында вичкоыс? А сійö вочавидзис, öти кадö пö олөмсьыс мунöмаöсь кызь кымын зэв матысса морт. И көть художниклөн лолыс доймалöма-жугласьöма - сөмын Енмыс, бурас эскөмыс лоöма пыкөдөн.

Сергей Андриякалөн эм аслас школа, көні сійö велөдö том йöзöс серпасасьны. И выставка вылын позис төдмасьны и велөдчысьясылөн уджьясөн. Киподтуйныс бура нин төдчö. Шуам, Полевая Полиналөн серпасыс сьблөм вөрзьöдана, югыд. Ошпи чачасыс аддзан сэтшөм мелі, юмов кад! И дзолядырсьыд став аканыд вежөрад волас. Нывкалөн серпасыс мен выльысь козьналіс челядьдырöс.

Менö чуймөдіс сійö, мый художник оз вөдитчы карандашөн, а пырысь-пыр рисуйтö акварельөн. И быд серпасын төдчö аслыспөлөс ру, быд визьын - радлун либö дой.

Сергей Андрияка серпасалö кө, шуам, вичко либö натюрморт - кылан наысь öткалун. Но видзöдласыд другысь кыйö чуймөдана визь, көні эм выльтор заводитчөм. Матыстчан, шуам, вичко серпас дорö.



Аддзан сэсь тулыс. Но и кылан помасьлытӧм чӧвлун. А сэсса казялан пу вылысь лэбач поз. И юрад чужӧ мӧвп: регыд лунвылысь воасны лэбачьяс да овмӧдчасны позйӧ, а вичко гӧгӧрыс тырас налӧн дзользӧмӧн.

Андрьякалӧн серпасъясын - быдсяма пӧлӧс чвет: катшасин, роза, сирень, ландыш... Рисуйтӧма найӧс то косьмӧмӧн, то ловьяӧн. Но кылан - дзоридзьясыс йитчӧмаӧсь олӧмсьыс тӧдчана здукъяскӧд, И рӧмъясыс петкӧдлӧны налысь ловшысӧ.

Дона лыддысьысь, ме ог радейт, кор меным козыналӧны дзоридзьяс. Найӧ синтӧ неуна гаждыштӧны, а сэсса кадыс юӧ-косьтӧ ловнысӧ, и найӧ пӧрӧны вуджӧрӧ. Гажтӧм сэки овлӧ... А со любуйтча Андрьякалӧн чветъясӧн, и быд дзоридз казтыштӧ олӧмсьыс ярьюгыд лун. И тайӧ серпасъяснас верман помтӧг овны. Сергей Андрьяка налысь дженъыд здукъяссӧ колис кабала вылӧ. И тайӧ чветъясӧ кадыс оз куж пӧртны посни косьмӧм торпыригӧ да нуны тӧвруӧн...

Шензӧдӧс нӧшта и сийӧ, мый школабислӧн торъя пасӧн лӧӧ ирис дзоридз! Но выставка вылас тайӧ чветыс эз вӧв! Книгаысь корси сылысь вежӧртассӧ. Вӧлӧмкӧ, ирис - вежавидзӧм, надея, эскӧм, повтӧмлун, бур юӧр. И став серпасыс Андрьякалӧн таӧн лолалӧс.

Люди́ла Кочерган тшӧтш висьталӧс, мый художниклӧн творчествоын тӧдчана образ - ва. Уна серпасын ваыс визула. Гӧгӧрбок кадыс оз кыв. Но ваыс быттьӧ ловья. Гашкӧ, сы вӧсна, мый ваыс петкӧдӧ мортӧс Туй вылӧ и пӧткӧдӧ ловсӧ сӧдзлунӧн.

Дона лыддысьысь, ме радейтчи Сергей Андрьякалӧн серпасъясӧ! И тэ тшӧтш волы сылӧн выставка вылӧ. Шензья, радды, нимкодясь!



Любовь АНУФРИЕВА.
Серпасъясыс Сергей Андрьякалӧн.



СЬӨЛӨМҮН ЙӨЛӨГА

Мыйта позьö
Зыксьыны
Да вир кисьтны
Сы понда,
Кыдзи пасйысьны ен водзын -
Кык чуньон,
Куим чуньон
Либö таdzi: быттö ва улö содз лосьöдин...
Юалöй эсийö зонмыслысь,
Тянлөн вежа тышын
Коді воштöма кисö...
Либö этайö аныслысь,
Коді сикт помö
туй талис -
виччысьö писö...

Тайö кывбурсö Евгений Козлов гижлöма во гас вит сайын. Дерт, сийöс сэки вөрзьöдiс Афганистанын пансьöм война. Миянлөн уна тöдса усис сэни. А унабн психологическöя чегисны, эз вермыны петны сэсь. Кывбурыс Е.Козловлөн став войнаыслы паныг Кыв. Афган бöрын вöли Чечня, сэссия Грузия, öни Украина...

Ми асланым газетын панiм сёрнисö эг сёрни раги, а медым висьтавны ассьыным видзöдглас, ассьыным дой. Да шуны мырыслы: дугöдöй Му вылас войнасö!

Елена АФАНАСЬЕВА

«МЫЙТА ПОЗЬÖ ЗЫКСЬЫНЫ ДА ВИР КИСЬТНЫ...»

Октябрь 10 лунö «гöгрöс пызан» сайын чукöртчылисны Ю.А.Спиридонов нима «Коми Республикаса искусство гимназияын» коми кыв да литература велöдысьяс и гуманитарнöй юкöнысь 11 класса велöдчысьяс, а сiдзжö Россияса гижысь котырö пырысь Елена Афанасьева. Сёрниыс мунис коми поэт Евгений Козловлөн «Мыйта позьö зыксьыны...» кывбур серти. Но гижöдлөн шöр мöвпыс кыскис и мöд сям сёрни - öнiя кадö мунысь тыш вылö видзöдлас.

Лидия Зварич, велöдысь:

Тайö кывбурыс зэв ёна лöсялö öнiя кадлы. Быд строка йылысь позьö уна сёрнитны. Тыдалö Евгений Козловлөн гижан серыс: гженьыг кывйөн гжуджы-да да уна висьтавны. Абу важнö, куим либö кык чуньон пернапасасьны. Медшöрыс - мед тэ пышкын вöли эскöм.

Эскан кö Енмыслы, олан сьлөн заповедьяс серти, оз лоны тышьяс и йöзлөн доймалöм. Война - тайö вир кисьтöм. Медводз сийö колö олигархьяслы, когьяс кыскöны мисьтöм уджас прöстöй йöзöс, когьясöскö ньöбöны. Пырöдчыны кö зэв важся кагас, вир кисьтöм вöли йитчöма жертва вайöмкöг. Медым видзчысьны лекторйысь, водзвыв быть вöли кисьтны вир (енмыслы козин пыдду). Кымын унджык киссяс вир, сьмын унджык воас бурыс. Абу весиг озырмöдчöм понда.

Мыйкö быттö татшöмыс öнiя войнаас эм жö: жертвуйтöны прöстöй йöз вирөн, медым мынтöдчыны наысь, когьяс мешайтчöны, торкöны американечьяслы йöз му вылын выль «лосьыг» олöм тэчны. Власьт-бердса украинечьяс ошкöны налысь «водзмöстчöмсö». Тайö петкöдлö, мый вöвлöм «окраинаын» олысь йöз оз велавны мöвпавны асишöра, налы абу дона вужьясыс. Сэтшöм йöзыс слабöсь. Сетчöны мегалöм улö. Мунöны ас войтыр вылö...

Менам чайтöм серти, бур олöмыс öтувтчöмын да ёртасьöмын.

Алёна Третьякова:

Кывбурас кыпöдöм медшöр мытшöдыс - йöзыс панöны тышсö асланыс эскöм понда. Когьяскö кöсийöны öти ног юрбитны, когьяскö - мöг ног. Та понда на костын пансьö тыш, оз вермыны сёрнитчöм отсöгөн венны лөгасьöмсö да.

Алёна Шомысова (Старцева), велöдысь:

Ме думысь, тайö кывбурыс кутö зэв гжуджыг вежöртас. Тöгчö, авторлөн



петö лөгыс тыш паньсыяс вылö, сы вöсна мый найö зурöдöны ассъыныс войтырьяссö эскöмныс вылö ыстысьмöн, быттьöкö Енмыс абу öти, либö кутшöмкö му юкөн мырдгöм могысь. А öг татшöм тыш вылö медводз шыбитöны том йöзöс, когъяс корсюрö весиг оз гөгöрвоны, мый вöсна тышкасьöны.

Шуам, öнi Украинаын мунö тыш. Ас йöз виалöны ас йöзöс; войтырыс татшöм ногөн бырöдö асьсö. Тагзи жугалö войтырыслөн мöвпаланногыс, государствойс.

Йöзыс, когъяс воштöны тыш вылас медся матысса-яссö, рöдвужсö, дугдöны эскыны вылын пукалысьяслы. А гашкö, и дугдöны эскыны Енлы...



Полина Игнатов:

Ме думысь, войнаыс пансьö оз эскöм, а официальной помкаяс вöсна. Чина йöз збыльмöдöны тыш отсöгөн ассъыныс мог, и найö веськöдлöны салгатъясөн кесйылöсөн моз. А салгатъяс тышкасьöны дзик мöд помкаяс вöсна.

Анастасия Зиновьева:

Тайö кывбурас гаравсьö вежа тыш йылысь. Мусульманалөн тышыс лыдгыссьö вежаөн. Налысь эскöмсö кö сералан, тэнö ловйөн оз кольны. Дас заповедь эм и мусульманалөн, и буддистъяслөн, и христианалөн. Но Енмыс öти.

Йöзыс пыр мый вöсна кö тышкасьöмаöсь. Му пуксьöмсянь кö босьтны, сöмын куимсё лун абу вöлöма некутишöм кось. И век жö öг гөгöрво, мый понда öнi тышкасьö Украинаса войтырыс. Великой Отчественной война дырйи миян гедъяс тышкасисны, медым ми верим овны лöсьыда, мед ми тöдiм налысь подвигсö. А позьö-ö шуны подвигөн украинечьяслысь тышсö? Сöмын виалöны ас йöзсö...

Питирим Сорокинлөн эволюция теория серти кö, ставыс дзугсьö, и тэ он тöд, кодi бöрыннас лоас вылысас. Украинаын öнi тагзи жö. Колö мунны оз революция, а реформа туйöд. Оз тыш панны, а йöзыскöд сёрнитны.



Мария Михайлова:


Евгений Козлов петкöдлö йöз вежöрлысь тшыкöмсö, сы вöсна мый ичöт помка вöсна киссьö вир. Йöзыс öткодъöсь, кöть кутшöм Енлы он эскы. Эскöм понда тышкасьны оз позь.

Раиса Вагнер, велöдысь:

Тышъяс пырджык панлисны экономика помка вöсна. И миян нэмö - тишöти. Кывбурсö кö гижöма гас вит во сайын, сiдзкö, сийö йитчöма Афганистанкöд.

Помнита Евгений Козловлысь Чечняса косьлы сиöм кывбур. И сэки, и öнi Украинаын йöзсö «шырöны». Тайö мытшöдыс век лоас. Нинöм вылö видзöдтöг мам кутас виччысьны писö. Тышъяс некор оз помасьны. Йöзыс оз вермыны овны лöня.

Неважөн Дагомысын вöли форум, и сэнi вöзйисны велöдны этножурналистъясöс, сы вöсна мый колö тöдны сийö кывсö, кöни тэ олан. Чайта да, национальной мытшöдыс öнiа кадö медся ёсь.



Кыдз пу

Коркӧ ӧти пӧчӧлӧн нучкаыс висьмис. Юксис тайӧ шог юӧрнас пӧчӧыд тӧдса суседыскӧд, а суседыд шуӧ:

- Ветлы Вой нӧрыс йылӧ, тэ сийӧ местасӧ тӧдан. Копыртчы медся мича кыдз пуыслы да кор сылысь зарава. Тайӧ зараваыс абу прӧстой, а бурдӧдчан. Ичӧт нывкатӧ юктӧдан, и кӧрт кодь бӧр лоас.

Мунис пӧчӧ Вой нӧрыс йылӧ, корсис медмича кыдзтӧ. Копыртчис сылы.

- Кыдзӧй-кыдзӧй, пашкыр юрӧй, вай отсав меным, - шуӧ пӧчыд пуыслы. - Вичмӧдышт юмов зараватӧ. Ог тай аслым кор, а нучка ради. Висьмис ичӧтикыс, оз сӧй ни оз ю, неморт кодь лоис...

- Сямӧд увсӧ неуна восьтышт, и петас зараваыс, - вочавидзӧ кыдз пу. - Сӧмын эн чашйы ӧна, эн дойд менӧ...А то ачым вынтӧмма!

Тадз и вӧчис пӧчӧ. И банка тыр зарава сылы вичмис.

- Ыджыд жӧ нин аттӧ тӧныд, дона пуӧй, - бара копыртчылис пӧчӧ. - Мед дыр на олан. Котӧрта, нучкаӧс юктӧда, а то дзикӧдз висьмас...

Воис гортас да зараванад нучкасӧ юктӧдис. Гоз-мӧдысь нывыштит нывкаыд юмов вӧлӧгасӧ, - и пыр жӧ нюмӧвтит, чужӧмбаныс гӧрдӧдис, вирсялис. Ӧти здукӧн и бурдӧс!

Гожӧмбыд сӧсся пӧч дӧнас бабича моз сӧылис да йӧктис нывка. Майбыр жӧ нин сиктад! А арнас мам-бать дорас мунис, карӧ. Тӧвйис и мӧд гожӧмнас выльысь пӧчыс дорӧ локтит. Пӧчыскӧд ӧтув ӧмидз да чӧд вотис, шондӧыслы радлис. А сӧсся нем виччысьтӧг бара висьмис.

Пӧчыдлы - бара шог. Юксис суседыскӧд. И суседыс шуӧ:

- Помнитан кыдзтӧ? Бара ветлы нӧрыс йылас и сийӧ кыдз пусӧ корсь. Но ӧни эн зарава кор, а корӧсь вылӧ вожъяссӧ. Абу прӧстойӧсь найӧ, зӧв вынаӧсь. Сӧсся пывсян ломты да корӧсьӧд нывкатӧ.

Тадз и вӧчис пӧчӧ. Воис нӧрыс йылӧ, адзис кыдзтӧ. Видзӧдӧ: орчӧн визувтысь шорыс косъмӧма, кушиныс быдмысь дзоридзьяс юрсӧ ӧшӧдӧмаӧсь. И кыдз пу тшӧтш шогӧ усьӧма.

Копыртчис пӧчӧ да нора шуис кыдзлы:

- Бара тай тэ дорӧ локти, дона кыдзӧй... Отсӧгла. Бара висьмис нучкаӧй. Корӧсьӧдны пӧ колӧ...

- Локтин, и - бур, - вочавидзӧ кыдз пу. - Сӧмын тай эбӧсӧй бырис. Косъмыны кутӧ. Сӧмын тэ отсыштны верман. Эн дышӧдчы да киськав вужъяссӧс ваӧн, а сы бӧрын чегъялышт вожъяссӧс корӧсь вылад.

А пӧчӧыд сӧрсыс буретш туис босьтлис. Корсис матӧгӧрысь ключ ва и пӧтмӧн киськалис кыдз пусӧ. Ловзис кыдз пу, гажмис, радлунӧн тырис, пашкыр юрсӧ весиг копыртлис, мед кокниджык пӧчӧлы вожъяссӧ чегъявны. Шӧпкис: тадз пӧ и колӧ, талун тэ отсалан, аски - тӧныд...

А пӧчӧ регыд мысти гортас мунис. Висьталис нучкаыслы кыдз пу йылысь. Жар пывсянын ӧнакодь корӧсьӧдис нучкасӧ. И нылыд пыр жӧ бурдӧс! Шуӧ:

- Пӧчӧ, нулы менӧ мича кыдз пу дорас. Ме сийӧс лӧк йӧзысь дорйыны кута, керыштны ог лӧдз и кос гожӧмъясӧ ваӧн киськавны мӧда.

И пӧчӧ сӧгласитчис. Радлис: нучкаыс небыд сӧлӧма мортӧн быдмӧ.



*Серпасалис Мария Мишарина,
Ю.А.Спиригонов нима Коми Республикаса Юралысь бердын искусство гимназияын 6 «в» классын велӧдчысь.*

Виктория УЛЯШЕВА,
Кулӧмгӧн районса Помӧсгӧн сикт.



Редколлегия :

Елена Афанасьева, Юрий Лисовский, Алёна Шомысова,
Галина Макарова, Григорий Хатанзейский.





Mail art -

и письмөасьом, и искусство

Мейл-арт - тайö пошта тема серти искусство. Татчö пырöны и маркасысь тэчöм серпасъяс, и мичаа да аслыспөлöса дасьтöм письмö да открытка, кодöс позьö ыстыны пошта пыр. Öд татшöм ногөн верман чуймöдны он сöмын сийö мортсö, кодлы мөдöдан письмö, но тшöтш и поштаса уджалысьясöс.

Мейл-артолөн эм некымын сикас:

МЕЙЛ-АРТ КОНВЕРТ - тайö конверт, кодöс мичмөдöма серпас, коллаж да быдсикас печать отсöгөн. Тані абу стрöг правилö, сöмын мортлөн аслас видзöдлас.

АРТИМАРКА - аслыспөлöс, авторлөн марка, кодöс вöчöма художник аслас серпасысь либö мужкöд материал отсöгөн. Татшöм марка оз позь мөдöдны пошта пыр, могыс сылөн - сöмын мичмөдны конверт.

МЕЙЛ-АРТ ОБЪЕКТ - быд пөлöс композиция либö предмет, кодöс мөдöдöма пошта пыр. Аслыспөлöслуныс сыын, мый татшöм объект век мый йылыськö висьгалö, нуö неыджыд информация.

МЕЙЛ-АРТ ОТКРЫТКА - тайö ас киөн вöчöм да пошта пыр мөдöдöм открытка.

СЕРПАСАЛЫСЬЛÖН НЕБÖГ - сэтшöм небöг, кодöс вöчöны ас киөн да дзик öтиöс. Но сöмын сэтшöм материалысь, кодöс позьö ньöбны пошта вылысь.



ЕНБИ

«Йөлөгалөн» тайё петасын төдмасым енбиа, авъя да киподтуя ные
Влада Платтокод. Владалөн эм аслыспөлос хобби – сийё вурө...
понъяслы паськөм.

Ичөттик паськөм - ыгжыг угж



- Влада, висгышт ас йывсьыд. Көні тэ велөдчан, мыйон тыртан прөст кадтө да мый радейтан?

- Ме студентка, велөдча Кировса медакадемиялөн Сыктывкарса филиалын. Гөгөрвоана, велөдчөм менам сьөкыг да босьтө уна каг, овлө сгз, мый весиг узьыштны некор. Та вылө вигзөдтөг ме зэв ёна радейта гортын пукавны да ас киөн мыйкө вөчны дасьтыны: вурсьыны, вышьвайтчыны, а регыдъя кадө окотита велөдчыны кысыны. Спорт йылысь ог жө вунөд, радейта котравны, бассейно да залө тиөкыда ветывла, төвнас - лыжион ислала. Аскөд Сёма понйос босьтывла, сийө мэным дзык ёрт кодь.

- А понйыд важөннин овмөдчис тэ дорө? Кыдзи тэ сийос бөрийин?

- Понйос ньобны мөвп

воис менам мамы. А сы водзын лыгдим уна статья быдсикас пөрөда йылысь да отвылысь бөрийим цвергпинчерос. Сэсы кутим корсьысьны, негыр каг мысти и сюри вит төлысь пон, коглөн вөлі неыгжыг тырмытөмтор - вомыс сэтишөм, быттьө сийө нюмъялө. И вот Сёма, либө Сэм, 2012 вося август төлысьын овмөдчис мян керкаө. Тайө кагсянь ми ставөн зэв ёна радейтам сийос.

- Кутшөм сьөкыдлун паныдасьлис пон видзигөн?

- Миян сөмын кань вөлі, а понйыг, дерт, дзык мөд пөлос пемос. Медводз ковмис велавны вьль оласног дорө. Велөдчөм бөрын зия локтан гортө, өд понлы колө вичмөдны уна каг: быд лун гуляйтны, ворсны ськөд. Сэк жө тайө вайө меным радлун, кор агдза, мый сийө виччысьө



мэнӧ, паныдалӧ гортӧ локтігӧн, корӧ петны ывла вылӧ.

- А кор тэ заводитін вурсьыны, мый ышӧдіс та вылӧ?

- Воис ар, пуксис зэра поводья, петіс шляча, быг гуляйтӧм бӧрын Сёма вӧлі коля няйт. Да и гженьыг гӧн вӧсна согтӧд кынмыны на кутіс, а ӧтчыг весиг висьмыліс. Ме дзик пыр зоомагазинӧ муні, сӧмын сэтись нінӧм эз лӧсяв. Мый вӧчны? Ӑтуввезйысь корси юӧр да выкроякяса, ыджыг мамлысь босьтіс вуряна машина да вурі попона (накидка могаа паськӧм). Дерт эз ставыс бура артмы, но понлы лӧсяліс, и гуляйтӧм бӧрын оз нин няйтӧн вӧлі гортӧ пыр. Та бӧрын меным лои интереснӧ - куті корсьысьны, а сэні и платтьӧ, и гач, и шапка, и комбинезон. Синмыд вошӧ, ставсӧ лои окота видлыны!

- Тэ бура дыр нин тайӧн ноксян, а мый медсьӧкыд вӧлі вурны?

- Чайта, мый пасьшуба. Позьӧ шуны, мый сійӧ менам аслыспӧлӧс гордосьт. Кор матыстчисны кӧдзыг луньяс, Сёма ёна вӧлі кынмӧ вӧсни комбинезоннаг. А меным тшук сійӧ каднас тӧдсяяс сетісны кролик шубаысь торпыриг. Бура дыр корси юӧр, кыззи тайӧс бурджыка вӧчны. Нинӧм тӧлкӧн эз сюр. Сэк аслам киӧ ставсӧ босьті, ёна юрӧс жуглі, кытчӧдз быгтор эг думышт. Медсьӧкыдыс вӧлі тайӧ кыз кусӧ вурлыны, кум лун чӧж нокси. А кор зштис - сэтшӧм долыг лои.

- Влада, тэ сӧмын аслад понлы вурсян?

- Первойсӧ сӧмын аслам понлы, а ӧні и тӧдсяяслы вура, дон босьтӧг. Мамлӧн ёртыс бура



ыджыг пон видзӧ, ретривер пӧрӧдаа. Сылы тшӧкыдакодъ паськӧм мастерита. Со неважӧн зэригӧн гуляйтӧм вылӧ комбинезон вури. Ставлы долыг: и меным, и кӧзяйкалы, и понлы. Ӑні заказ вылӧ ичӧтик пуховик вура.

- А кытысь тэ босьтан выль мӧвпгьяс выль паськӧм вылӧ?

- Мӧвпыс ачыс локтӧ, сӧмын колӧ ичӧтик отсӧг. Тайӧ вермас лоны ӧтуввезйысь снимок либӧ лавкаын мича дӧра, и со - тэ мӧвпалаң, кыззи сійӧс аслаг уджӧ пыртны. Неважӧн ывла вылын нывбаба шуис: «Кутшӧм мича пон, тэныг пальтоасыны колӧ». И тайӧ



думыс юрысь оз пет, окота пальтосӧ вурны, весиг дӧрасӧ нин ньӧби. Сӧмын кад вичмӧдны некыдз оз артмы. Ставсӧ ӧд окота удитны.

- Верман-ӧ тэ сетны кутшӧмкӧ вӧзйӧмгьяс налы, кодгьяс окотитӧны тайӧн ноксьыны?

- Вӧзйӧм сӧмын ӧти - окота кӧ, колӧ видлыны, быгторйӧ позьӧ велавны аслыг, ӧтуввез да небӧг отсӧгӧн. Та вылӧ, дерт, колӧ вичмӧдны кад. Но ӧд кутшӧм долыг, кор мунан ывлаті, да весиг медскӧр чужӧма мужичӧйяс заводитӧны нюмъявны.

Сёрнитіс да понлы паськӧмӧн нимкодясис Мария ИГУШЕВА.

«Коми йӧзӧдчан керка»
Коми Республикаса автономной учреждение,
«Йӧлӧга» газет редакция.

Адрес:

167982, Сыктывкар,
К.Маркс улича,
229-ӧд керка,
401-402 кабинетгьяс.
Тел. 24-12-22, 24-36-49.
E-mail: Yologa@mail.ru

**Вескӧдлысь
В.В.ПОПОВ
Гл.редактор
Г.В.МАКАРОВА**



Газет панысь:
Печать да юӧр сетан Коми Республикаса агентство.
Регистрируйтӧма
2007 вося ноябрь 28 лунӧ йӧзлы юӧр сетӧм да культураса озырлун видзӧм кузя оланпасьяс збыльмӧдӧм бӧрся видзӧдысь федеральной службалаӧн Беломорской управлениеын.
Регистрируйтан пас:
ПИ №ФС 3-0686.
Социальной тӧдчанлуна гижӧдгьясӧ йӧзӧдӧма «Коми йӧзӧдчан керка» автономной учреждениеылы печать да юӧр сетан КР-са агентствӧӧн вичмӧдӧм сьӧм вылӧ.



**Редакцияын
уджалысьяс:
том йӧзлӧн мытшӧдгьяс
юкӧнӧн вескӧдлысь –
Мария Игушева;**

**письмӧ юкӧнӧн
вескӧдлысь –
Екатерина Микушева.**



Медводдза лист бокас
снимокыс
Влада
Платтолӧн.



Авторгьяслӧн мӧвпгьяс оз
пыр лӧсявны редакциялӧн
видзӧдласкӧд.



Тираж – 488
Гижӧдчан индекс – 52099.
«Йӧлӧга» газет петӧ
1991-ӧд восянь
вежоннас ӧтчид, комиӧн.
Доныс сёрнитчӧмӧн.



Печатьӧ кырымалан кад:
график серти – октябрь
тӧлысьлӧн 31-ӧд лунӧ
16 часын; кырымалӧма
печатьӧ 16 часын.
Газет печатайтӧма
«Коми республиканской
типография» ООО-ын дась
оригинал-макетгьясысь.
167610, Сыктывкар,
В.Савин улича, 81
Заказ №



Асывнас зэрö, а рытнас лым нин куйлö

Ноябрь тöлысья поводдя

Пуяс пужъялöмабсь - кöдздöдас, бывлаын руа - шондöдас.

Утка кольччö тöвйыны - шоныд тöв лоö.

Ноябрын асывнас вермас зэрны, а рытнас лым нин вермас куйлыны.

Арыд кö лун тöла, тулысыд лоö вой тöла.
Пуж бöрын кö пырысь-пыр зэрмас,
кузь ар лоö.

Арын дзодзөг мунём бöрын регыд лым усяс.

Дзодзөггяс арнас муніганыс кö вылітi лэбöны, лымйыс джуджыд лоö, улітi кö - ляпкыд лоö.

Кузь ар пом лоö, йинёнъ кö кузя öшöдчöма.

Ёна кö нöйччас поводдя, дыр на оз лымгьяв.

Лымйыс кö кок улын мутшкакылö - сылас.

(«Коми народные приметы» небöг серти)



Быдлунся поводдя

Ноябрь 1 лунö колльöдам ар да вочаалам тöв.

Ноябрь 5 лунö кö лымгья шер - сідзкö ноябрь 22 лунö пуксяс тöв.

Ноябрь 8 лунö кö шондöдас - тöв чöж поводдяыс лоö ва да шоныд. Лымгьялö кö - Ыджыд лунö лымгья жö лоö.

Ноябрь 10 лунö песöны шабдi, дасьтöны вузöс вылö. Скöt пыртöны шоныд гидö.

Ноябрь 12 лунö кö уна кöин ветлö - тшыггьялём либö война водзö.

Пыстаяса кö керка дорö чукöртчöны - кöдздöдас.

Ноябрь 14 лун - медводдза кöдзыд лунгьяс.

Ноябрь 19 лунся лым - лымгья тöв водзын.

Ноябрь 21 лунö кö пужъялöма, а асывнас руа - вермас шондöдны.

Ноябрь 22 лунö кö дзодзөг петöма йи вылö, то уялас на ва вылын. Пуяс вылын пуж - кöдздöдас, бывлаыс руа - шондöдас.

Ноябрь 24 лунö кö поводдяыс ва либö лымгьялö - шоныд лоö декабрь 4-öд лунöдз.

Ноябрь 25 лунö кö зэрö - бара жö шоныд лоö декабрь 4 лунöдз.

Ноябрь 27 лунö кö пужъялöма - бура зөр сöвмас, зэрö - шобдi урожай водзö, рака кравзö - шондöдас.

Ноябрь 29 лунö кö тöла - тöла лоö декабрь 19 лунöдз.

